

OKVIRNI SPORAZUM

SUKCESIVNA NABAVKA AKUMULATORA, SIJALICA I DRUGOG POTROŠNOG MATERIJALA ZA VOZILA ZA POTREBE UPRAVE POLICIJE MUP-a KANTONA SARAJEVO (LOT 1 i LOT 2)

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE**, La Benevolencija br. 16, kojeg zastupa za policijskog komesara načelnik Sektora kriminalističke policije Glavni inspektor Milorad Bašić, (u daljem tekstu: Ugovorni organ)
- 2. Autoelektra doo Sarajevo, Patriotske lige 10, ID broj: 4200234140004 kojeg zastupa direktorica Dalila Sarajlić** (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14) proveo otvoreni postupak za sukcesivnu nabavku akumulatora (LOT 1) i za sukcesivnu nabavku sijalica i drugog potrošnog materijala za vozila (LOT 2) za potrebe Uprave policije Ministarstva unutrašnjih poslova Kantona Sarajevo broj: 02-14-4-2655/19, sa ciljem zaključivanja okvirnog sporazuma sa jednim ponuđačem po lotu na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 6014-01-VI/19.

Član 2.

Predmet Okvirnog sporazuma je utvrđivanje uslova za zaključivanje pojedinačnih ugovora o javnoj nabavci akumulatora, sijalica i drugog potrošnog materijala za vozila za potrebe Uprave policije Ministarstva unutrašnjih poslova Kantona Sarajevo:

- LOT 1 – sukcesivna nabavka akumulatora
 - LOT 2 – sukcesivna nabavka sijalica i drugog potrošnog materijala za vozila
- u skladu sa uslovima iz tenderske dokumentacije, ponudom Dobavljača, odredbama ovog Okvirnog sporazuma i stvarnim potrebama Ugovornog organa.
Količine navedene u specifikaciji su okvirne i vrijede za vrijeme važenja Okvirnog sporazuma.

Član 3.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog Okvirnog sporazuma.

Roba iz člana 2. ovog Okvirnog sporazuma će se isporučivati sukcesivno, u skladu sa potrebama Ugovornog organa.

Član 4.

Vrijednost Okvirnog sporazuma bez PDV-a iznosi:

- LOT 1 – sukcesivna nabavka akumulatora 75.000,00 (sedamdesetpethiljada i 00/100) KM bez PDV-a
- LOT 2 – sukcesivna nabavka sijalica i drugog potrošnog materijala za vozila 29.500,00 (dvadesetdevethiljadapetstotina i 00/100) KM bez PDV-a

Ukupna vrijednost ovog Okvirnog sporazuma bez PDV-a iznosi 104.500,00 (stotinučetirihiljadepetstotina i 00/100) KM.

Cijene su fiksne i ne mogu se mijenjati za vrijeme važenja ovog Okvirnog sporazuma. Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle Okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 5.

Ugovorni organ će ugovorenu cijenu plaćati Dobavljaču u roku od 30 (trideset) dana od dana dostavljanja fakture.

Član 6.

Dobavljač je dužan da robu isporuči u roku od 5 (pet) dana od dana dostavljanja narudžbenice.

U slučaju osnovanih primjedbi na ispunjenje sporazumnih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Član 7.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okviru sporazuma i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Dobavljač se obavezuje da će robu isporučivati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučene robe.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravak propusta Dobavljača u smislu izvršene isporuke.

Član 9.

Ugovorni organ zadržava pravo raskida Okvirnog sporazuma ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

Dobavljač pruža Ugovornom organu garanciju za isporučenu robu za LOT 1 – sukcesivna nabavka akumulatora (garancija prema uputstvu proizvođača) i obavezuje se da će u garantnom roku, u slučaju eventualnih nedostataka na isporučenoj robi isporučiti drugu robu koja će odgovarati uslovima iz njegove ponude.

Garancija Dobavljača na isporučenu robu iznosi:

Akumulatori: 24 (dvadesetčetiri) mjeseca u skladu sa garancijom proizvođača.

Dobavljač se obavezuje da će poštovati sve garantne uslove, a u toku garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 11.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija Ugovornog organa za javne nabavke, najmanje 6 (šest) mjeseci po zaključenju ovog Okvirnog sporazuma, odnosno od početka realizacije ovog Okvirnog sporazuma.

Član 12.

Ovaj Okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 13.



Eventualno nastale sporove pri realizaciji ovog Okvirnog sporazuma, strane u Okvirnom sporazumu će rješavati sporazumno, štiteći obostrane interese.

U slučaju nemogućnosti zajedničkog rješenja, eventualno nastalog spora, utvrđuje se nadležnost Suda u Sarajevu.

Član 14.

Ovaj Okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
Direktorica
Dalila Sarajlić

Broj: 467

Datum: 9.08.19 godine

UGOVORNI ORGAN
za Policijskog komesara
Načelnik Sektora kriminalističke policije
Glavni inspektor
Milorad Bašić




Broj: 02-14-4-2655-8/19

Datum: 07.08.2019. godine